

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO UNUTRAŠNJIH POSLOVA
PETA POLICIJSKA UPRAVA
Policajska stanica Ilijaš

I N F O R M A C I J A

***o stanju kriminaliteta, javnog reda i mira i
sigurnosti saobraćaja na području općine Ilijaš
za 2016. godinu.***

Ilijaš, januar 2017. godine

Ovom informacijom obuhvaćeno je stanje kriminaliteta, javnog reda i mira i sigurnosti saobraćaja na području općine iz nadležnosti rada PS Ilijaš i Odjeljenja kriminalističke policije Pete policijske uprave utvrđenih zakonima i Pravilnikom o unutrašnjoj organizaciji Ministarstva unutrašnjih poslova Kantona Sarajevo.

Policijska stanica Ilijaš i Odsjek kriminalističke policije Ilijaš su u 2016. godini realizovali poslove i zadatke iz mjesečnih i godišnjih planova rada, uz dosljednu primjenu zakona, uredbi, pravilnika i ostalih podzakonskih akata.

Poseban akcent u radu dat je zakonitom, stručnom i blagovremenom izvršavanju poslova i zadataka iz djelokruga rada organa unutrašnjih poslova.

Prioriteti su dati zaštiti života, lične i imovinske sigurnosti građana, sprječavanju i rasvjetljavanju kriminogenog ponašanja pojedinaca i grupa, predupređenju i rasvjetljavanju svih oblika narušavanja javnog reda i mira, osiguranju ličnosti i manifestacija, te preduzimanju mjera na kontroli učesnika u saobraćaju i poboljšanju stanja sigurnosti saobraćaja na putevima, na području općine Ilijaš.

Posebna pažnja data je zakonitoj primjeni posebnih ovlaštenja, prije svega upotrebi sredstava sile. U toku 2016. godine nije evidentirana niti jedna upotreba sredstava sile od strane policijskih službenika PS Ilijaš.

U toku 2016. godine ukupno je podnešeno 06 predstavki na policijske službenike PS Ilijaš, koje su nakon provedenog ispitnog postupka ocjenjene kao neosnovane.

Kontinuirano je ostvarena saradnja sa nadležnim općinskim i kantonalnim organima i organizacijama, javnim preduzećima, nevladinim sektorom, kao i sa sredstvima javnog informisanja. Informisanje javnosti o određenim događajima iz djelokruga rada Pete policijske uprave prvenstveno je vršen putem Odsjeka za odnose sa javnošću i web stranice Ministarstva unutrašnjih poslova Kantona Sarajevo.

Posebno dobra i intenzivna saradnja je ostvarena sa svim nivoima agencija za zaštitu zakonitosti u segmentu sigurnosti, Kantonalnim tužilaštvom Sarajevo i Općinskim sudom Sarajevo.

KRIMINALITET

Stanje kriminaliteta na području općine Ilijaš u 2016. godini, u odnosu na isti period predhodne godine, posmatrano kroz statističke pokazatelje, karakteriše smanjenje broja registrovanih krivičnih djela i to za 56 krivičnih djela. Tokom 2016. godine ukupno su registrovana 132 krivičnih djela (u 2015. godini registrovano je 188 krivičnih djela), od čijeg ukupnog broja evidentiranih krivičnih djela policijski službenici Odsjeka kriminalističke policije Ilijaš rasvijetlili su 73 krivična djela, što u procentima iznosi 55,30 %.

U 2016.godini, na području općine Ilijaš izvršena su sljedeća krivična djela:

| Red. broj | KRIVIČNO DJELO | 2015 | | | 2016 | | |
|-----------|------------------------------------|------------|---------------|---------------|------------|---------------|--------------|
| | | broj | rasvijetljeno | procenat | broj | rasvijetljeno | procenat |
| 1. | teška krađa | 72 | 27 | 37,5 % | 42 | 3 | 7,14 % |
| 2. | krađa | 29 | 11 | 37,9 % | 21 | 7 | 33,3 % |
| 3. | oštećenje tuđe stvari | 11 | 11 | 100 % | 7 | 6 | 85,7 % |
| 4. | nasilje u porodici | 13 | 13 | 100 % | 17 | 17 | 100 % |
| 5. | nasilničko ponašanje | 9 | 9 | 100 % | 2 | 2 | 100 % |
| 6. | šumska krađa | 7 | 7 | 100 % | 3 | 3 | 100 % |
| 7. | izazivanje opće opasnosti | 13 | 11 | 84,6 % | 00 | 00 | - |
| 8. | prevara | 00 | 00 | - | 1 | 00 | - |
| 9. | ugrožavanje sigurnosti | 5 | 5 | 100 % | 13 | 13 | 100 % |
| 10. | teška tjelesna povreda | 5 | 5 | 100 % | 4 | 4 | 100 % |
| 11. | nedozvoljeno držanje oružja | 2 | 2 | 100 % | 4 | 4 | 100 % |
| 12. | razbojništvo | 5 | 3 | 60 % | 3 | 2 | 66,6 % |
| 13. | paljevina | 3 | 3 | 100 % | 00 | 00 | - |
| 14. | ostalih krivičnih djela | 14 | 8 | 57,1 % | 15 | 12 | 80 % |
| | UKUPNO | 188 | 115 | 61,17% | 132 | 73 | 55,30 |

Zaključak

Iz same činjenice da je u izvještajnom periodu broj krivičnih djela u 2016. godini na području općine Ilijaš manji za 56 krivičnih djela u odnosu na broj izvršenih krivičnih djela u 2015. godini, a imajući u vidu motive, karakter i posljedice svih ovih kriminalnih radnji, generalno se može dati pozitivna ocjena stanju kriminaliteta na području općine Ilijaš.

Takođe, bitno je napomenuti da u izvještajnom periodu policijski službenici OKP-a Ilijaš rade na dokumentovanju krivičnih djela iz člana 287. KZ FBiH (teška krađa). Naime, radi se o tome da su policijski službenici PS Ilijaš operativnim radom na području općine Ilijaš, uhvatili na izvršenju krivičnog djela teške krađe u kuće lica B.H., nad kojim je u prostorijama Odsjeka kriminalističke policije Ilijaš izvršena kriminalistička obrada, kojom prilikom su otkrivena 33 (trideset tri) krivična djela, te da policijski službenici ove PS rade na dokumentovanju istih. Obzirom da se većina vlasnika kuća i vikendica u koje su izvršene teške krađe nalaze izvan teritorije Bosne i Hercegovine, policijski službenici ove PS će nakon kompletiranja i dokumentovanja ovih predmeta u potpunosti, iste dostaviti Kantonalnom tužilaštvu Kantona Sarajevo.

Dodatnim angažovanjem policije u pojedinim akcijama MUP-a Kantona Sarajevo i akcija lokalnog karaktera, značajno je sužen prostor za kriminalno djelovanje, kako pojedinaca na području općine Ilijaš, tako i organizovanih grupa i pojedinaca koji vrše krivična djela na području Kantona Sarajevo i šire.

JAVNI RED I MIR

Zbog raznih oblika narušavanja javnog reda i mira policijski službenici PS Ilijaš u 2016. godini registrovali su izvršenje 62 prekršaja. U odnosu na 2015. godinu došlo je do znatnog smanjenja broja prekršaja za 192 prekršaja (u 2015. godini evidentirano je 254 slučaja narušavanja javnog reda i mira).

U izvještajnom periodu u 62 slučaja podnešene su prekršajne prijave ili izdati prekršajni nalozi protiv 68 lica.

U strukturi prekršaja protiv javnog reda i mira najbrojnije su tuče - 21, a slijede naročito drsko ponašanje - 14, itd. Najveći broj ovih prekršaja izvršen je na ulici - 51. Navedeni prekršaji su propisani Zakonom o prekršajima protiv javnog reda i mira Kantona Sarajevo, dok su evidentirana i 04 prekršaja (posjedovanje gasnog oružja i oružja bez odobrenja) po Zakonu o nabavljanju, držanju i nošenju oružja i municije.

Imajući u vidu da narušavanje javnog reda i mira može bitno uticati na stabilnost sigurnosne situacije, jedan od prioriteta u radu PS Ilijaš, u izvještajnoj 2016.godini, bilo je praćenje i analiziranje stanja javnog reda i mira, a s tim u vezi preduzimanje preventivnih mjera na sprječavanju i suzbijanju težih i masovnijih oblika narušavanja javnog reda i mira.

Tokom 2016. godine, kao i predhodnih godina kontinuirano su sprovedene aktivnosti na sigurnom javnom prijevozu putnika u vozilima "GRAS-a i " Centrotransa", a redovno su sprovedene i aktivnosti na suzbijanju nedozvoljene trgovine na javnim površinama. Postignuti rezultati su više nego skromni, prvenstveno zbog neadekvatnih mogućnosti sankcionisanja ove vrste prekršaja.

Stanje javnog reda i mira za 2016. godinu može se okarakterisati kao izuzetno zadovoljavajuće.

SIGURNOST SAOBRAĆAJA

Tokom 2016. godine, na području općine Ilijaš evidentirano je 378 saobraćajnih nezgoda, što je za 06 saobraćajnih nezgoda više nego u 2015. godini. Isto tako što se tiče statističkih pokazatelja za povrijeđena lica u 2016. godini ukupno je 61 lice zadobilo lakše tjelesne povrede (2015. godine - 51 lice), dok su 03 lica zadobila teške tjelesne povrede (2015. godine - 04 lica).

Dana 19.01.2016. godine oko 19,10 sati u ul.Bosanski put do broja 215, općina Ilijaš (krug željezare Ilijaš), došlo je do obaranja pješaka od strane pmv marke "Golf", gdje je usljed zadobijenih teških tjelesnih povreda lice A.S. preminulo na KUM bolnice Koševo. Vozač navedenog vozila R.H. lišen je slobode.

| | 2015 | 2016 |
|---|------------|------------|
| Ukupan broj saobraćajnih nezgoda | 372 | 378 |
| - sa nastradalim licima | 43 | 49 |
| - sa materijalnom štetom | 329 | 329 |
| Lakše povrijeđeno lica | 51 | 61 |
| - putnika | 19 | 20 |
| - vozača | 22 | 32 |
| - pješaka | 09 | 08 |
| - biciklista | 01 | 01 |
| Teže povrijeđenih lica | 04 | 03 |
| - vozača | 03 | 03 |
| - biciklista | 01 | 00 |

U ovom izvještajnom periodu registrovano je izvršenje ukupno 5516 prekršaja iz oblasti sigurnosti saobraćaja na putevima, za koje su izdati prekršajni nalozi i podeseni zahtjevi za pokretanje prekršajnog postupka. Evidentno je da je u toku ovog izvještajnog perioda došlo do znatnog povećanja broja prekršaja za 2441 prekršaj u odnosu na predhodnu godinu.

| | 2015 | 2016 |
|---|------|--------|
| Broj kontrolisanih m/v | 6764 | 16.242 |
| Broj lica kontrolisanih u m/v | 6852 | 16.242 |
| Broj prekršaja | 3075 | 5516 |
| Broj lica | 3081 | 5538 |
| Broj zahtjeva | 42 | 64 |
| Broj prekršajnih naloga | 3033 | 5452 |
| Upravljanje m/v po dejstvom alkohola | 130 | 242 |
| Broj isključenih vozača bez položenog vozačkog ispita | 66 | 219 |
| Broj isključenih neregistrovanih m/v | 105 | 305 |

JAVNI SKUPOVI I POSEBNA OSIGURANJA

Tokom 2016. godine policijski službenici PS Ilijaš izvršili su osiguranje 143 javna skupa sportske, kulturne i druge prirode, što je za 08 osiguranja više nego za isti period 2015. godine, kojom prilikom je angažovano 409 policijskih službenika. Za vrijeme održavanja ovih javnih skupova nije dolazilo do ozbiljnijeg narušavanja javnog reda i mira.

Kontinuirano su izvršavani poslovi pratnje prevoza eksplozivnih sredstava i oružja (408 pratnji, a u 2015. godini 236 pratnji), te propraćaj veoma važnih ličnosti koje se posebno obezbjeđuju i stranih delegacija, navijača u dolasku i povratku sa značajnijih sportskih događaja.

RAD POLICIJE U ZAJEDNICI I OSTALE AKTIVNOSTI

Posebno treba naglasiti trajno opredjeljenje MUP-a Kantona Sarajevo na realizaciji rada policije u zajednici. PS Ilijaš provodi čitavu lepezu aktivnosti, od sastanaka sa građanima MZ-a, obilaska domaćinstava povratnika, do predavanja u osnovnim školama, posjetama ostalim obrazovnim ustanovama, te kontaktima i saradnji sa nevladinim organizacijama. Osnovi cilj ovih aktivnosti je približavanje građana i policije, upoznavanje sa problemima, zajedničko planiranje i preduzimanje mjera za rješavanje problema iz raznih segmenata djelovanja.

Policijski službenici su se naročito zalagali za edukovanje školske djece u oblasti sigurnosti saobraćaja, opasnosti od mina i negativnog uticaja droge na mlade i okolinu. U okviru policijske stanice Ilijaš utvrđena je radna pozicija sa jednim izvršiocem koji se isključivo bavi realizacijom projekta nazvanog „Rad policije u zajednici“ čiji je osnovi cilj ostvarenje i poboljšanje saradnje sa građanima.

U skladu sa Zakonom o unutrašnjim poslovima pruža se neophodna pomoć drugim organima i organizacijama u izvršavanju njihovih redovnih poslova i zadataka kada je takva pomoć neophodna. Posebno česti zahtjevi za asistencije policije su upućeni od strane Ministarstva saobraćaja Kantona Sarajevo, Dom zdravlja Ilijaš - Hitna pomoć, Uprava za stambena pitanja Kantona Sarajevo i dr.

U skladu sa akcijom „Žetva“ prikuplja se oružje i eksplozivna sredstva koje građani pronađu ili posjeduju, a koje je zaostalo iz predhodnog rata.

Iz svega gore navedenog, neophodno je naglasiti da je u 2016. godini saradnja između PS Ilijaš i Općine Ilijaš (Načelnika općine i svih općinskih službi) bila na veoma visokom nivou. Zahvaljujući takvoj saradnji, stanje na području općine Ilijaš je po svim oblastima izuzetno dobro pa samim tim je stvorena povoljna bezbjedonosna situacija, kako na području općine Ilijaš, tako i šire na području Kantona Sarajevo, te bi bilo neophodno i u narednom periodu nastaviti sa saradnjom, kako bi se pomenuto stanje bezbjednosti zadržalo i dovelo na najveći mogući stepen.

Ilijaš, 17.01.2017. godine.